

«ҚазТрансОйл» АҚ-тың денсаулықты сақтау және еңбек қауіпсіздігін қамтамасыз ету саласындағы саясаты

«ҚазТрансОйл» акционерлік қоғамы (бұдан әрі - Қоғам) магистральдық мұнай құбыры жөніндегі ұлттық оператор және Қазақстан Республикасының ірі құбыр компаниясы бола тұра, жұмыскерлерге өз қызметінің ықтимал теріс әсерінің әлеуетті қауіптілігін сезіне отыра, жұмыскерлердің денсаулығы мен олардың еңбек қауіпсіздігін қамтамасыз ету өндірістік қызметке қатысты ең жоғары құндылық болып табылатынын айқындады.

Осы Саясатты іске асыру үшін Қоғам басшылығы өзіне мынадай міндеттемелерді қабылдайды:

1. Денсаулықты қорғау және еңбек қауіпсіздігін қамтамасыз ету (бұдан әрі – ДҚЖЕҚҚ) бойынша көшбасшылықты көрсетуге және мәдениетті дамытуға ықпал етуді;
2. Қоғамның құрылымдық бөлімшелерінде жұмыспен байланысты жарақаттар мен денсаулық жағдайының нашарлауын болғызбау мақсатында жұмыскерлерге қауіпсіз және денсаулық үшін қолайлы жұмыс жағдайларын қамтамасыз етуді, өндірістік жарақаттану мен кәсіптік аурулардың алдын алуды;
3. Қазақстан Республикасы заңнамасының, халықаралық стандарт-тардың, Қоғамның ДҚЖЕҚҚ саласындағы ішкі құжаттарының талаптарын сақтауды;
4. ДҚЖЕҚҚ саласындағы қауіптерді жоюды және қауіптерді азайтуды;
5. Жұмыскерлерді қауіпсіз емес әрекеттерге араласқаны және жағымсыз салдарларға әкеп соғуы мүмкін жұмыстарды тоқтату арқылы қауіпті факторларды жойғаны үшін қолдауды және көтермелеуді;
6. Жұмыскерлермен консультациялар өткізуді, сондай-ақ ДҚЖЕҚҚ бойынша қызметке олардың қатысуын немесе олардың өкілдерінің қатысуын қамтамасыз етуді;
7. ДҚЖЕҚҚ саласында, оның ішінде халықаралық бағдарламалар бойынша жұмыскерлерді сапалы оқытуды жүргізу арқылы кәсіби білім мен дағдылар деңгейін арттыруды;
8. Қоғамның ДҚЖЕҚҚ саласындағы қызметі туралы ақпараттың ашықтығын, айқындығын және қолжетімділігін қамтамасыз етуді;
9. Жұмыскерлерді өндірістік тәуекелдерден қорғауды қамтамасыз ету үшін қазіргі заманғы жеке және ұжымдық қорғаныш құралдарымен, қажетті ресурстармен және жабдықпен қамтамасыз етуді;
10. Қоғамның ДҚЖЕҚҚ менеджмент жүйесін тұрақты жақсартуды қамтамасыз етуді.

Осы Саясатта көрсетілген міндеттемелер Қоғамның ДҚЖЕҚҚ саласындағы мақсаттарын белгілеу үшін негіз болып табылады, барлық құрылымдық бөлімшелерге қолданылады және Қоғамның әріптестермен іскерлік қатынастар жүйесіне енгізіледі.

Қоғам басшылығы өзіне алған міндеттемелерді орындау осы Саясатты табысты іске асырудың, Қоғамның орнықты дамуын қамтамасыз ету және Қазақстан Республикасының орнықты дамуына жәрдемдесу үшін ДҚЖЕҚҚ саласындағы қызмет нәтижелерін үнемі жақсартудың кепілі деп есептейді.

Қоғам басшылығы осы Саясатты іске асыруға және барлық қажетті ресурстарды беруге жауапты болады.